



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Hæc discordia dedit occasionem ornandi Episcopum Nicopolitanum
vicariatu sedis apostolicæ. Ad Gregorium Magnum referri non debuit de
ordinatione Episcopi Nicopolitani, si tum is fuißet subjectus ...

urn:nbn:de:hbz:466:1-15617

retur, Ennodium & Peregrinum Episcopos misit Thessalonicam cum literis ad Dorotheum; & dato eis commonitorio præcepit ut cùm ad eum pervenissent, monerent ut se ab Ecclesiæ Nicopolitanae concussione suspenderet, rationem reddentes, quia non posuit reversus ad communionem & ad corpus Ecclesiæ cum illis qui necdum reversi sunt quidquam habere coniunctum; nos non solvere à predecessoribus nostris concessa privilegia, si ipse ecclesiastica instituta non defraterat. Contendebat enim Dorotheus Ioanni liberum non fuisse omittere obsequium quod ex veteri consuetudine & ex apostolicae sedis privilegio debebatur Ecclesiæ Thessalonicensi. Itaque cùm illum justam causam habere videret Hormisdæ, neque facilè vinci posse hominem tot munimentis insistentem, ut qui præter auctoritatem sedis sua, principales quoque & judiciarias potestates sibi faventes haberet adversus Ioannem, Legatis suis præcepit ut eum ad concordiam & ad unitatem inducent oblatæ privilegiorum confirmatione. Ceterè redeat ad unitatem, inquit, & nos cum eo insisteremus ut omnia privilegia quæcumque consecuta est à sede apostolica Ecclesiæ ejus, inviolata serventur. Ad ipsum verò scribens, fatetur Ioannem debuisse secundum consuetudinem ad Thessalonicensem Ecclesiæ ordinationis initia dirigere, ceterum consuetudinem non fuisse negligēt, sed vitata contagia. Et quia Dorotheus contendebat privilegia Ecclesiæ sua indulta servanda esse, illum his verbis interpellat Hormisdæ: *Quo pudore, rogo, privilegia circa te illorum manere desideras quorum mandata non servas, & reverentiam quam non exhibes fidei, cupis tibi ecclesiastica potestate deferri?*

VIII. Quis fuerit causa istius exitus, non inveni traditum memorie literarum. Nam & biennio pòst Dorotheus ab Hormisdæ divisus erat, & Ioannes Nicopolitanus Episcopus adhuc pertimescebat malevolorum suorum calumniam, ut Hormisdæ verbis uramur. Injunxit per ea tempora Legatis suis Hormisdæ petere ab Imperatore uti Dorotheus ad Vrbem dirigeretur, illic examinandus in causa fidei. Et cùm inaudivisset eum Constantinopolim jussu Principis evocatum fuisse, mandat aliis literis insistere apud Imperatorem ne in eandem civitatem denuo revertatur, sed episcopatus, quem nunquam bene gesit, honore deposito, ab eodem loco ac Ecclesia longius relegetur, vel ceterè hoc ad Vrbem sub profectione congrua dirigatur. Legati rem, ut jussi erant, Iustino Augusto retulerunt, poscentes ut ad percipiendam doctrinam catholice puritatis Roman prefatus Dorotheus mitteretur. Negavit Iustinus; & repente Dorotheus, qui in civi-

tate Heracleensi attinebatur, abire permisus est.

IX. Hæc tamen discordia, ut ego quidem arbitror, Hormisdæ dedit occasionem distrahendi Epirum à corpore provinciarum quæ Vicario Thessalonicensi parebant, committendisque vices apostolicae sedis per eam provinciam Episcopo Nicopolitano. Quod ut melius intelligatur, meminisse debemus eorum quæ suprà diximus, cùm tractaremus de his quæ apud Hormisdam acta sunt pro confirmatione privilegiorum Ecclesiæ Thessalonicensis, nimurum illum in Commonitorio Legatis suis dato pollicitum esse quod si Dorotheus ad unitatem rediret, id est, Accaciano schismati renuntiaret, ipse *omnia privilegia quecumque consecuta est à sede apostolica Ecclesiæ ejus, inviolata servaret*. His verbis promissam esse confirmationem vicariatus per Illyricum nemo est, opinor, qui ambigat. Itaque si ostendere possumus parem in hoc Nicopolitani Episcopi causam fuisse anno sancti Gregorij, fatis constabit eum diù antè fuisse sedis apostolicae Vicarium per Epirum, nimurum jam inde à temporibus Hormisdæ. Rescribens ergo Gregorius ad Episcopos Epiri, qui ad eum scriperant de ordinatione Andrea Episcopi Nicopolitani, hæc ait: *Supra scripto igitur Andrea fraris & coepiscopo nostro Pallium nos direxisse cognoscite, atque privilegia cuncta concessisse que predecessores nostri ejus predecessoribus contulere.* Si extaret Gregorij epistola ad Andream, fortassis aperta vicariatus istius testimonia in ea reperirentur. Hoc auxilio destituti, cogimur agere argumentis. Ac primùm quidem observandum est ad Episcopum Romanum referri de ordinatione Episcopi Nicopolitani, prorsus contra veterem morem, si tum Epirus fuisset subiecta Thessalonicae. Nam tum Episcopus Thessalonicensis, qui erat Eusebius, erat in communione sedis apostolicae, ut docent variæ Gregorij epistola ad ipsum datæ. Ad hunc ergo, non ad Gregorium, referri debuit de ordinatione Andreae. Sed quoniam tum sedes ejus æqualibus privilegiis utebatur cum Thessalonicensi, à cuius potestate exempla fuerat, necessarium erat ut eundem morem in ordinationis sua initio servaret Andreas quem Thessalonicenses Episcopi servabant, nimur ut relationem de ordinatione sua mitteret ad Summum Pontificem. Secundò, Gregorius Pallium, quod erat Vicariorum apostolicae sedis insigne, (licet interdum etiam aliis Episcopis datur) mittens ad Andream, confirmat omnia privilegia Ecclesiæ illius collata à predecessoribus suis, idque iis verbis quæ, si conferantur cum verbis Hormisdæ suprà relatis,

K

Tom. II.

omnino evincunt Gregorium loqui voluisse
de vicibus apostolicae sedis.

X. Sed adversus hanc opponet fortassis quipiam frustra me hoc loco torqueri. apud Gregorium enim non agi de Episcopo Nicopolitano , sed de Nicomeditano , adeoque inutilem esse hanc meam omnem operam. Scio quidem in vulgatis Gregorij editionibus , & in veteri codice MS. Bibliothecæ regiae , tum etiam apud Gratianum , epistolam illam loqui de Andrea Nicomeditano vel Nicomediane civitatis Episcopo. Sed ego contendō locum hunc esse corruptum, rependūmque illic esse nomen Nicopolitanae civitatis. Primum enim ea epistola scripta est ad Episcopos Epiri ; quorum Metropolitanus non erat Nicomedensis , qui nullus fuit , sed Nicopolitanus , ut cuivis manifestum est. Deinde apud sanctum Gregorium non uno loco reperimus mentionem fieri Andreæ Episcopi Nicopolitani , hujus nimurum ipsius de quo ad eum retulerant Episcopi Epirotæ. Vnde patet certam esse emendationem , adeoque ea argumentatione convelli non posse quæcumque haec tenus à nobis dicta sunt de Vicariatu Episcopi Nicopolitani. Nunc ad Sixti literas revertamur.

X I. Sic ergo prosequitur ille in epistola illa ad univerlos Episcopos per Illyricum : Sit Concilium quotiens cause fuerint , quotiens ille pro necessitatibus emergentibus ratione decreverit ; ut merito sedes apostolica relatione ejus instruatur que fuerint acta confirmet. Evocatus vestrum ne-
mo venire contemnat , nec congregacioni sancte , ad quam debet festinare , se deneget. Excusatio per contumaciam non requiratur &c. Et paulò post : Si quid forsitan aut inter fratres natum fuerit , aut fratri cuiquam aliqua actio qua pulsatur illata ; aut illuc fratre & coepiscopo nostro Anastasio judice eveniens negotium terminetur , qui vices apostolice sedis agere ut beatæ memorie Rufus successor ipsius ex nostra voluntate cognoscitur ; aut ad nos , si illuc definiri non potuerit , codem tamen suis literis causam omnem que vertitur pro- sequente , veniat examen.

X II. Addit idem Sixtus novum privilegium , nimurum , ut si quis Episcopus ex provinciis Illyrianis Thessalonicam ad Anastasium accesserit præter ejus conscientiam , velut canonum contemptor habeatur. Quo loco respexit fortassis Sixtus ad canonem tertium Sardicensem , in quo sic legitur : Osius Episcopus dixit. Illud quoque necessario adjiciendum est , ut Episcopi de sua provincia ad aliam provinciam , in qua non sunt Episcopi , non trans-
ferant , nisi forte à fratribus suis invitati , ne vi-
deamus januam claudere caritatis. Et fortassis istud petierat Anastasius à Sixto , quod s'è ni-
mia Episcoporum Thessalonicam venien-

tium copia premi videret , exemplum secu-
tus . Atque prædecessoris sui , qui remedium à
Concilio Sardicensi postula verat adversus Presbyteros & Diaconos Thessalonicanum ex
provinciis Illyrianis venientes , tempisque
mora illis praescribi , ut suprà vidimus. Ita-
que Sixtus de hoc privilegio sic scribit ad Proclum Episcopum Constantinopolitanum : Id ergo quod nos quoque servamus , frater-
nitatem tuam , quam simus hoc suo more fallu-
ram , volumus custodiare , id est , ut si quis ad fra-
trem & coepiscopum nostrum Thessalonicensis ur-
bis antisitem harum provinciarum que ad eum
pertinent sacerdos adveniat præter ejus consci-
entiam , si sine ejus epistolis atque forma formata
tentaverit , tanquam discipline ecclesiastice despe-
ctor & contemnor canonum , quos nos temerari ex
aliqua parte non patimur , habeatur. Hunc lo-
cum Holstenius existimans esse mutilum , sic
restituendum esse pronuntiat : Si quis ad fra-
trem & coepiscopum nostrum Thessalonicensis ur-
bis antisitem harum provinciarum (que ad eum
pertinent Ecclesiam sacerdos sine tuo consensu ac-
cesserit , vel contra ad tuam sanctitatem ipsarum
provinciarum) que ad eum pertinent sacerdos
adveniat præter ejus conscientiam &c. Ex quo
loco sic emendato colligit eos qui ex Illyri-
co veniebant Romam , formatam attrulisse
Vicarij Thessalonicensis ; ut qui è Gallia ve-
niebant , accipiebant ab Arelatensi Vicario.
De quo privilegio , quod in Patroclo sum-
pit initium , nos infra agemus in capite xxx.
Istius supplementi.

X III. De causis provinciæ Illyrianae ad Constantinopolitanum Episcopum ref-
cripsit Sixtus , ut qui in vicino erat , canonum
cultodiam praestaret. Nam Episcopi illius
provinciæ se interdum subtrahere moleban-
tur auctoritati Episcopi Thessalonicensis , ut
ad Constantinopolitanum se conferrent , vi-
cinæ urbis inlecebris illegeti. Et facile illos ad-
mittebat Constantinopolitanus antistes , in
spem augenda dignitatis suæ erectus post
conditum canonem secundæ synodi. Nam &
Theodosij junioris ævo tentata fuerat orientalis Illyrici divisio à sede apostolica , ut non
amplius illud aut Thessalonicensi Episcopo subfasset , neque relationes hinc ad sedem
apostolicam mitterentur. Itaque Sixtus , mul-
tum laudato Proculo , eum hortatur ne injura
& privilegia Thessalonicensis antistitis irre-
pat , sed potius ei debitum honorem refer-
vet , neve quicquam permittat fieri quod
non liceat à sacerdote tentari. Quibus ver-
bis nemo non videret designari tentamenta Il-
lyrianorum Episcoporum , & metum Pon-
tificis ex vicinitate Procli. Reverentia vestra ,
inquit , in commune (id est , tibi & Thessalo-
nicensi Episcopo) prestatur , si alter alterius

Apud Gratian.
diss. 100. cap.
Scriptorum.

S. Gregor. lib. 7.
Indic. 1. epist. 11.
& Indic. 2. epist.
70.

Apud Holsten.
p. 59.